
ESSENTIALS OF ORAL PATHOLOGY AND ORAL MEDICINE

Šesto i prošireno izdanje
R.A. CAWSON
E.W. ODELL
Edinburgh, London, New York,
Philadelphia, St Luis.
Sydney, Toronto 2000
Mehki uvez, 372 stranice, kolor i
crno-bijele fotografije kliničkih i
patohistoloških nalaza, grafikoni, crteži.

Autori su u ovoj veoma privlačnoj knjizi, ugodnoj za oko, na pregledan i bogato ilustriran način predstavili bitne dijelove oralne patologije i oralne medicine. Knjiga se sastoji od tri oblasti sa 36 poglavlja:

- 1) Patologija tvrdih zubnih tkiva
- 2) Bolesti mehkih tkiva
- 3) Medicinski imunosuprimirani pacijenti

Svako poglavlje ima veoma jasan tekstualni dio, obilje kvalitetnih fotografija, tabela, RTG-nalaza i grafikona. Posebno treba izdvojiti shematske prikaze oboljenja i diferencijalnih dijagniza, što omogućava kako kliničarima tako i studentima stomatologije bolje razumijevanje; može im poslužiti kao priručnik i vodič u postavljanju dijagnoze i diferencijalne dijagnoze.

Cijela je knjiga obogaćena patohistološkim i mikrobiološkim nalazima. Crteži su u boji, prvorazrednoga kvaliteta, koji kliničke prikaze oboljenja čine znatno jasnijim.

U svakom se poglavlju nalaze posebno izdvojeni i naznačeni sažeci, ključne riječi i sugestije, što privlači pažnju čitatelja i upućuje ga na ono što je od izuzetne važnosti.

Na kraju svakoga poglavlja citirane su reference i predložena literatura koja može poslužiti za seriozniji pristup oboljenjima iz domene oralne medicine.

Knjiga može poslužiti kao udžbenik u dodiplomskom, ali još više u postdiplomskom studiju. Pisana je tako da će zainteresirati svakoga ko se bavi stomatologijom i medicinom i dopunjuje činjenicu o nužnosti timskoga rada kod identifikacije oboljenja kao i postavljanja terapije.

Preporučujemo ovu knjigu svima onima koji žele dopuniti i obnavljati svoje znanje jer će im biti od neizmjerne pomoći.

*Pašić dr Enes
Hadžić dr Sanja*